

Po Oslobođenju otkup mlijeka kretao se ovako:

god.	otkupljeno	god.	otkupljeno
1946.	857.750	1956.	1,845.440
1947.	886.950	1957.	1,975.015
1948.	975.905	1958.	1,575.340

S posebnim zadovoljstvom možemo konstatirati, da će prilikom 60-godišnjice Zadružne mlekarnice u Škofjoj Loki njena zgrada biti temeljito modernizirana, proširena i opremljena djelomično novim strojevima s troškovima od ukupno 10 milijuna dinara.

Nadamo se, da će Zadružna mlekarna u Škofjoj Loki, pod vodstvom svog nadasve poštovnog upravitelja druga Staneta Graheka, koji je nadaleko poznat kao vrstan mljekarski stručnjak, još dulji niz godina poslužiti svojoj namjeni na dobrobit Škofje Loke i okolice.


Mijo Đogić, Zagreb

Poljinvest

PUŠTENA JE U POGON NOVA MLJEKARA U TUZLI

U svibnju o. g. otpočela je s radom nova gradska mljekara u Tuzli. Radovi na izgradnji ove mljekare trajali su nešto više od 2 godine. Osnovni zadatak ove mljekare jest da snabdjeva grad Tuzlu i tamošnji industrijski bazen konzumnim mlijekom, mliječnim napitcima te eventualno mliječnim proizvodima.

Do sada se ovaj grad snabdjevaao nabavkom mlijeka iz Vinkovaca, Belja, Broda te takovo mlijeko se direktno distribuiralo putem trgovačke mreže potrošačima.



Gradska mljekara Tuzla

Ovaj način snabdjevanja nije mogao zadovoljiti potrebe ovog kraja kako u pogledu kvalitete konzumnog mlijeka tako i u pogledu sirovinske baze. Specifičan slučaj je ovdje baš taj što postoji s jedne strane veliki broj potrošača mlijeka, a s druge strane za sada slaba sirovinska baza u tom kraju za snabdjevanje mljekare mlijekom proizvedenim u neposrednoj okolici. Baš

to je bio i do sada razlog da se ovaj grad snabdjevao mlijekom iz udaljenosti t. j. iz napred navedenih mjesta.

Stočarstvo ovoga kraja je slabo razvijeno i trebat će sada sistematskog rada da se u neposrednoj okolici stvore uslovi da se mljekara što prije opskrbljuje mlijekom iz neposredne i dalje okolice Tuzle. Na ovaj način će se osloboditi dovoza mlijeka iz dosta velike daljine, a ujedno otklonit će se veliki transportni troškovi i konačno dobit će se svježe i zdravo mlijeko i ujedno moći će se podesiti rad mljekare u jednoj smjeni bez obzira na dovoz mlijeka iz udaljenih krajeva željeznicom što je do sada bilo teško organizirati s obzirom, da je to uslovljavano dolaskom željezničkih vlakova. Baš izgradnjom nove mljekare stimulirat će se uzgoj muzne stoke. U tu svrhu N. O. O. i Kotara poduzeli su već do sada ozbiljne korake u tom pogledu, nabavkom muzne stoke, te selekcijom i boljom ishranom domaćih krava i podmladka putem tamošnjih zemljoradničkih zadruga i specijalizovanih stočarskih zadruga. Sve ove mjere daju garanciju da će nova mljekara riješiti svoj problem snabdjevanja sirovinom iz vlastitog nakupnog područja na jedan dosta brz način.

Kompletan uređaj za pasterizaciju mlijeka (pločastog tipa) kapaciteta 4000 litara na sat nabavljen je iz uvoza. Sa ovim uređajem mljekari je osigurana bezprikorna pasterizacija mlijeka na suvremen način.

Cjelokupnu uvoznu i domaću opremu kao i radove na instalacijama i montaži izvršio je POLJOINVEST »Servis za mljekarstvo« Zagreb.

Usljed pomanjkanja dovoljnih finansijskih sredstava, a u želji da mljekara vrši distribuciju mlijeka u bocama, isporučeni su također iz domaće proizvodnje strojevi za pranje, punjenje i čepljenje boca alutrakom.

Ukupna vrijednost investicija za ovu mljekaru iznose cca 55 miliona Dinara.

Puštanjem u pogon ove mljekare grad Tuzla sa cijelim svojim industrijskim bazenom dobio je objekat koji se već dugo očekivao i na taj način riješen je problem snabdjevanja grada i industrije zdravim pasteriziranim mlijekom.

Pred novim radnim kolektivom postoji još niz zadataka koje treba u tom pogledu riješiti, no svakako puštanjem mljekare u pogon, glavni dio toga je riješen zahvaljujući zauzimanju i razumijevanju tamošnjih narodnih vlasti i organizacija te trudom samoga kolektiva.

Dr. Silvija Miletić, Zagreb

Polj. šum. fakultet

XV. MEĐUNARODNI MLJEKARSKI KONGRES (LONDON 29. VI. — 3. VII. 1959)

Međunarodna mljekarska federacija osnovana god. 1903. oduvijek je smatrala svojim glavnim zadatkom organizaciju međunarodnih mljekarskih kongresa, istakao je predsjednik Federacije P. Kästli prilikom otvaranja XV. međunarodnog kongresa. Svrha je održavanja tih kongresa, da obavješćuje sve one, koji se bave mljekarstvom, o najnovijim saznanjima mljekarske nauke i prakse.